

Virtutis Solidæ Præcipua Impedimenta, Subsidia, Et Incitamenta

Commentationibus Illustrata, Omnium Usui Aptatis. Quæ Servire Insuper
Poterunt Pro Argumento Concionum: Uti Et Considerationum Tempore
Exercitiorum; præsertim verò pro gemino sacræ collectionis triduo; prout
ex subjectis hunc in finem elenchis patet. [...] Partes Tres

Incitamenta

Bellecius, Aloysius

Ratisbonae [u.a.], 1755

§.I. Excellentia virtutis est summa.

Nutzungsbedingungen

urn:nbn:de:hbz:466:1-55553

4 *Pars III. Cap. I. §. I. Num. I.*

acquirendæ instrumentum sit, meritò illa in fronte illius agminis collocatur, quod ad expugnandam hac in re, profligandamq; voluntatis inertiam in aciem educimus. Itaque ob oculos ponam I. virtutis solidæ eminentem excellentiam; II. hujus fidei cum vita nostra enorinem discepantiam.

§. I.

Virtutis solidæ eminentia excellētia est.

I. Cùm res mihi cum Christianis
Summam
banc esse
probat
judicium
DEI. sit, qui cernuo assensu ultro fatentur, Supremum Numen ob infinitam omnium perfectissimamq; notitiam errare, aut decipi neutiquam posse; certior à me regula, qua virtutis solidæ eminentiam dimetiamur, assignari nequit quàm hoc ipsum falli nescium adorandæ Divinitatis judicium. Cùm enim teste Psalmogra pho *judicia Domini vera*, ipsaq; *equitas* sint, (b) tanti res necessariò valet, quanti Æterna Sapientissimaq; illa Mens

(b) Psal. 18. v. 10. & Psal. 118. v. 75.

Mens eandem valere judicat. Quod illa aliis omnibus præfert, id evidenter cunctis dotibus est anteferendum: quod ea primo loco reponit, id certò excellentissimum est. Ex his sequitur, perfectionem Christianam illud in aestimatione humana fastigium mereri, non quod insaniens mundus eidem delirando tribuit, sed ad quod illa Divini Senatus consulto jure sublimatur. Ad hoc inconcussæ veritatis scutum quis nisi pertinax Atheus dissentiens caput allidat?

Jacto proin hoc fundamento, attenti jam ex Sacro Codice percipiamus, quænam igitur falli nescius ac omnia pervidens DEUS de probitatis excellentia foveat sensa? ut inde hujus premium agnoscere, dignitatem aestimare, pulchritudinem diligere, aliisque omnibus præhabere discamus. Itaque ô terra, terra, terra, quæ juxta intuitum hominum judicas, (c) audi sermonem Domini! en! hec dicit Dominus (d) per Salomonem: melior est

A 3

acqui-

(e) I. Reg. 16. v. 7. (d) Jerem. 22. v. 29.

6 Pars III. Cap. I. §. I. Num. I.

acquisitio ejus (scilicet sapientiæ ; hoc enim nomine ab eo vera pietas insinatur) negotiatio argenti , & auri : pretiosior est cunctis opibus : & omnia , quæ desiderantur , huic non valent comparari . Lignum vitæ est his , qui apprehendunt eam : & qui tenuerit eam , beatus ; (e) infinitus enim est thesaurus hominibus . (f) hæc ille . Jam verò si ita est , ergo (sequelæ firmitatem expendite) ergo omne aurum in comparatione illius arena est exigua , & tanquam lutum aestimandum est argentum in conspectu illius . Ergo regnis & sedibus est præponenda : & divitiæ nihil ducenda sunt in comparatione illius : nec lapis pretiosus illi est comparandus . (g) Divinis hisce oraculis quis contradicat ? tam legitimæ conclusionis quis evidentiam inficietur ?

Præterea hæc dicit Dominus per Jeremiam Prophetam : non glorietur sapiens in sapientia sua , & non glorietur fortis in fortitudine sua , & non glorietur

(e) Prov. 3. v. 14. & 18. (f) Sap. 7. v. 14. (g) Sap. 7. v. 8. & 9.

tur dives in divitiis suis : sed in hoc glorietur , qui gloriatur , scire , & nosse me. (h) Ergo practica sui Deique notitia , in qua virtus posita est , omnibus mundi thesauris , cunctis heroum viribus , omni regum potentiae , carnis prudentiae profanaque doctrinæ ingenti intervallo est anteferenda ; ut potestate quæ sola suppeditat genuinæ materiam gloriae . Quis sanæ mentis id neget ? quis affirmanti hæc Spiritui Sancto pervicaci dissensu refragetur ?

Quin imò (moderante linguam Numine) rem amplius exaggerat Gentium Doctor Paulus , hæc ad Corinthios scribens : si linguis hominum loquar & angelorum : & si habuero prophetiam , & noverim mysteria omnia & omnem scientiam : & si habuero fidem , ita ut montes transferam ; charitatem autem (quæ perfectionis initium primusque gradus est) non habuero , nihil sum , nihil mihi prodest : factus sum vellut æs sonans , & cymbalum tinniens. (i)

A 4

hæc

(h) Jerem. 9. v. 23. (i) 1. Cor. 13. v. 1.
& seq.

hæc Apostolus. Jam verò si donum vaticinationum, linguarum, miraculorum, infusaque omnium intelligentia, quæ tamen opinione nostra bonorum præstantissima sunt, cœli iudicio nihil sunt, collata vel minimo gratiæ immanentis gradui, qui tamen genuinæ probitatis non nisi principium est; quid erunt reliquæ naturales prærogativæ, compositæ innumeris graciæ ejusdem gradibus, quos in anima virtus perfecta supponit? Et his auditis reperire sic aliquem, qui hastanti animo dubitare, vel omnino inficias ire ausit, omnes naturæ, fortunæ, ingeniique decora ac ornamenta pietati solidæ immensa intercapedine posthabenda, ducendaque posterius esse?

Absit tanta intellectus pervicacia, tamque amens voluntatis protervia. Cœlum intonuit: ergo paveat terra. Veritas locuta est: ergo sileat error. Loquentis infinita majestas cæcam exigit fidem. Taceat proin mundus, cedat ratio, percat sapientia seculi, (1) &

(1) 1. Cor. 2. v. 6.

& cœlesti effato subdola obgannire desistat. Excellens est sanctitatis præstantia: id dicit DEUS. Huic comparatae dotes reliquæ nihilò minus sunt: id asserit DEUS; & quidem Sapientissimus æquè ac verax DEus. Ergo talem eam esse, qualem judicat DEUS, cernuo assensu *omnis lingua confiteatur cœlestium, terrestrium & inferorum.* (m) Certè si nullum alium suppeteret argumentum, hoc dogma nobis virtutisque eminentiam persuadendi, sufficeret sola hæc certissimi Numinis id attestantis authoritas, & divinum de ea judicium, omni humano infinitè præhabendum.

At verò suam hanc de sanctitudinis sublimitate existimationem Supremus Moderator orbis non tantùm verbis prodidit, sed etiam factis iisque plurimis demonstravit. Solùm aliqua ex his delibasse sufficiat. Agite! mentis oculos in hoc Universi theatrum defigamus, in eoqué intueamur hic Salomonem & Jobum: ibi Epulonem

A 5

&

(m) Eph. 2. v. 10. & II.

& Lazarum: illinc Herodem & Joannem. ô quanta in his paribus disparitas! ô quam discrepans in cœlo de iis opinio! Salomon magnificatus est super omnes reges terræ divitiis & sapientia; (n) contrà verò Job, percussus ulcere pessimo à planta pedis usque ad verticem ejus, testa saniem radebat, sedens in sterquilinio. (o) Dives Epulo induebatur purpura & byssō, & epulabatur quotidie splendidè; contrà verò mendicus Lazarus jacebat ad januam ejus, ulceribus plenus, cupiens saturari de misericordiis. (p) Herodes vestitus veste regia, & sedens pro tribunal, audivit populum sibi acclamantem: DEI voces & non hominis; (q) contrà verò Joannem, qui venit neque manducans, neque bibens, (r) tenuit, alligavit, & decollavit in carcere. (s) ô quanta hæc differentia!

Illi summa habilitate ornati, potentia suffulti, opibusque ditati, velut toti-

(n) 3. Reg. 10. v. 23. (o) Job. 2. v. 7. & 8. (p) Luc. 16. v. 19. & seq. (q) Act. 12. v. 21. & seq. (r) Matth. 11. v. 19. (s) Matth. 14. v. 3. & 11.

totidem soles in omnium oculis sublimes splendebant. Hi verò, licet sanctitate præstantes, tamen cunctis despecti, pauperes, miseri, sortis erant orbisque ludibrium. Hominum sensa si attendamus, nihil illis grandius: his abjectius nihil. Salomonis Sapientia, Epulonis abundantia, Herodis gloria, eorum sententiâ meritò adulanti errore super astra ferebantur. Contrà verò patientia Jobi, tolerantia Lazari, constantia Joannis jure infra lutum superbo calce deprimebatur. Hæc mundi de posteriorum virtute, & priorum naturalibus donis opinio fuerat.

At verò ô! quām aliter de his senserat DEUS. Audite ô mortales! divinumque de his judicium proni adorate. En! in illa cœlesti curia Salomon malus, (t) Epulo stultus, (u) Herodes verò vulpes audiit: (x) ille à D E O abjectus, (y) iste *in inferno sepultus*, (z) hic *consumptus à vermisbus*

(t) 3. Reg. 11. v. 4. (u) Luc. 12. v. 20.
(x) Luc. 13. v. 32. (y) 3. Reg. 11. v. 11.
(z) Luc. 16. v. 22.

bus exspiravit: (aa) omnes tres cum sua omni facundia, maiestate, opulentia, rerumque notitia minimi in regno cœlorum, imò nulli habebantur. Contrà verò Job homo simplex & rectus: (bb) Lazarus angelorum ocellus: (cc) Joannes major inter natos mulierum, & plus quam Propheta (dd) æquissimo rerum Judici erat. Illi benedixit Dominus: (ee) iste in sinum Abrahæ est deportatus: (ff) hic martyrii corona redimitus. (gg) Omnes tres cum suis ulceribus, egestate, vinculis & ærumnis in oculis S. S. Triadis fulgebant quasi splendor firmamenti, & quasi stellæ in perpetuas æternitates. (hh) Nempe quantum distat Ortus ab Occidente: (ii) quantum differt lux à tenebris; (ll) tantum judicio Numinis solida virtus super omnia naturæ decora, fortunæ bona, mentisque ornamenta exstat, eminet, excellitque.

Conii-

-
- (aa) Act. 12. v. 23. (bb) Job. 1. v. 8.
 (cc) Luc. 16. v. 22. (dd) Matth. 11. v. 9.
 & 11. (ee) Job. 42. v. 12. (ff) Luc. 16. v. 22.
 (gg) Marc. 6. v. 29. (hh) Dan. 12. v. 3.
 (ii) Psal. 102. v. 12. (ll) Ecclæ, 2. v. 13.

Coniice in unum eundemque hominem omnem Solonis prudentiam, Aristotelis philosophiam, mathesin Euclidis, Ciceronis rhetoricam. Finge eundem aulicarum artium mundique dogmatum apprimè peritum, omni ad omnia habilitate supremo gradu excellere; atque ex inverso Amaltheæ cornu, opes & honores, peda & mytras, sceptræ & coronas largiter in eundem divite pluvia effundi; nihilominus probitate si careat, in conspectu Domini est miser & miserabilis, & pauper & cæcus, & nudus. (mm) Contrà verò, licet cum Moysè balbus, cum Tobia cæcus, cum Ignatio claudus, cum Hermanno paralyticus fore: licet cum Francisco pauper, cum Isidoro ignobilis, cum Wendelino literarum rudis esses; pietate si polleas, in illa curia aurum, gemma, sidus es: amicus Christi, filius DEI, hæres coeli es. Sola hæc gratum te Numini acceptumque reddit: sola hæc illa clavis aurea est, qua animæ ad intimum Sponsi conclave janua panditur.

Hujus

(mm) Apoc. 3. v. 17.

Hujus veritatis luculentum nobis documentum Lucifer est. Is teste Ezechiele (nn) signaculum similitudinis, plenus sapientia & perfectus decore in deliciis paradisi fuerat: omnis lapis pretiosus operimentum ejus: aurum erat opus decoris ejus: Cherub extentus, & positus in monte sancto, in medio lapidum ignitorum is fuerat. Et tamen vix sanctitatem superbo ausu à se abiecerat; cùm mox rudentibus inferni è cœlo detractus, in tartarum traditus est, æternum cruciandus. (oo) Omnis ejus intelligentia, decor, habilitas ac naturalis perfectio vindex justitiae fulmen nec momento morari poterant. Quin imò cum omnibus suis naturæ dotibus miser modò & vilis diabolus est; quas DEUS etiam rebelli & damnato reliquit, ut orbi palam faceret, quām nihili hæc omnia (sanctitudine viduata si sint) à Divino Senatu fiant. Et hinc illa non rarò prodigè conferuntur etiam reversis ad vomitum canibus, etiam suibus in volutabro lutis: (pp) id est

(nn) Ezech. 28. v. 12. & seq. (oo) 2. Petr. 2.
v. 4. (pp) Ibid. v. 22.

est hominibus, qui vivunt *sicut equus & mulus, quibus non est intellectus.* (qq) ut inde discamus, quām nullius momenti in lance Sanctuarii hæc omnia sint, nisi socia virtus eis pondus addiderit. ut intelligamus, quām magna intercapedine genuina probitas hæc additamenta excedat; & quām vera sit illa Thomæ à Kempis sententia: *melior est humilis rusticus, qui DEO servit, quām superbus Philosophus, qui se neglecto cursum cœli considerat.* (rr)

O! igitur quis mihi det, ut exaren-
tur stilo ferreo, & plumbi lamina sculp-
tantur in silice (ss) cordis nostri gem-
mea illa Sacræ Paginæ verba: *quod ho-
minibus altum est, abominatio est apud
DEUM.* (tt) item: *sapientia hujus mun-
di stultitia est apud DEUM.* (uu) O
sensa cedro digna! quia ex illo volu-
mine excerpta, quod Apocalypticus
Vates septem sigillis signatum vidit. (xx)
*Aures proin arrigite, quicunque san-
ctimo-*

(qq) Psal. 31. v. 9. (rr) l. 1. c. 2. n. 1.

(ss) Job. 19. v. 23. & 24. (tt) Luc. 16. v. 15.

(uu) 1. Cor. 4. v. 19. (xx) Apoc. 5. v. 1.

Etimoniae excelsitatem terrestri decem-peda metimini, & profundè animis cœleste hoc oraculum immittite. En! quod vobis altum, grande & excellens est, id apud DEUM non solum vile, modicum, nihil: sed *abominatio*, sed *stultitia* est. Ita est, ô inanes vanitatum aucupes! apud DEUM opum jactantia abominatio est: vana nominis gloria abominatio est: superba rerum notitia abominatio est: aulica calliditas, mundana dexteritas, astuta insinuandi se, magnificandique peritia eidem stultitia est. Sola probitas acceptum ei sacrificium est. Solum illi sunt beatæ, qui mundo corde, pauperes spiritu, mites, pacifici, misericordes esurunt, & sitiunt justitiam. (yy) Quod probrosum nobis, abjectum, & miserum est, id æternæ Mentis decreto gloriosum, felix, eminens est. Et hoc fidei dogma est, cui æquè parum refragari, ac Trinitatis mysterium inficiari licet. Ad hæc jam quis animo sensus?

O Do-

(yy) Matth. §. v. 3. & seq.

O Domine ! magnificus in sanctitate,
 (zz) ah ! quis alias mihi quam pudoris erit , & timoris ? pudoris ob culpam : timoris ob poenam . Si enim haec non credidero , haereticus sum , fidei Quæsitoribus extradendus ; si vero credidero , nec tamen veriora de virtutis sublimitate sensero , amentis proterviae reus sum , injectis merito vinculis castigandus . Ut ergo utrumque propitio sidere avertas malum , da , ut tuo huic de sanctitudine judicio famula fide submittam meum .

II. Præterea eminentem pietatis II.
 excellentiam esse , ipse Christus vitæ Exem-
 exempli demonstrat . Ideo enim in Christi .
 stabulo nasci , in latebris vivere , in
 furcam agi , & mori atroces inter cru-
 ciatus voluit , ut nos solidam virtutem
 omnibus aliis naturalibus donis ante-
 ferre doceret . Nam certum est , æter-
 num Patrem omnia naturæ ornamen-
 ta in Servatorem nostrum plena manu
 congregisse ; huncque omnes angelos
 & mortales collectim sumptos perspi-

Pars III.

B

cacia,

(zz) Exod . 15 . v . 14 .

cacia, habilitate, ingenio & sapientia immensum superasse. Quis ergo non judicasset, eundem initio statim sui in mundum adventus virili statura praeditum, orbis athenæa, marium emporia, judicum tribunalia, principumque palatia constanti gyro lustraturum, ut diffusis ibidem scientiarum & facundiæ, æQUITATIS & prudentiæ radiis errores depelleret, mores corrigeret, jus induceret, scelusque profligaret; ut hac ratione novi Messie nomen (tubam inflante fama) per omnes latè oras laudum encomiis celebraretur.

Et en! non solùm infans in medio brutorum, in caulæ latibulo, aëris inclemenciam expositus, omnium egens, extra patriam nascitur; sed etiam adulterior in humili officina potiorem vitæ partem ignotus, vilis, abjectus delitescit: fabri filius fabrilia tractat, & domus pauperculæ assiduus custos est & servus, obedienti DEO voci hominis: (aaa) & erat subditus illis. (bbb) O por-

portentum, ipsis etiam Cœlitibus ob-
stupescendum! Verbum vagit, Sapien-
tia balbutit, Fortitudo *primam vocem*
similem omnibus emittit, plorans. (ccc)
Illæ orbis creatrices manus pavimen-
tum verrunt, scutellas lavant, segmen-
ta colligunt. Ille, qui appendit tribus
digitis molem terræ, & librat montes &
colles in statera, (ddd) ligna dolat,
secat, glutinat.

O Superi! illud eloquentiæ miracu-
lum elingue silet: illa artium cyclo-
pædia tenebris sepulta jacet: illi scien-
tiæ linguarumque thesauri altè defossi
latent; & quidem tot lustris, triginta
omnino annis defossi latent. Hæcque
omnia ideo agit missus è cœlo Magi-
ster, ut majorem nobis de perfectio-
nis excellentia æstimationem instilla-
ret: ut falsam illam nobis ideam exi-
meret, quam de collatis à natura do-
nis cum virtutis præjudicio fovemus:
ut suo nos exemplo doceret, omnem
nominis existimationem, omnem ta-
lentorum jactantiam, ac pedisequas

B 2

com-

(ccc) Sap. 7. v. 3. (ddd) Isa. 40. v. 12.

commoditates minimo pietatis actui,
qui clam omnibus in orbis angulo à
pia quapiam anima exercetur, ingenti
intervallo posthabendas esse.

Et certè qui post practicam ejus-
modi lectionem & exemplar tam vi-
vum tamen adhuc ob nativas dotes su-
spici, aliisque præferri exoptat; qui
istas inanitates magni facit, & præ-
sanctitate miratur, expetit, & prensat;
is enimvero vel non credit, Christum
ista egisse: vel malè eum hæc egisse ju-
dicat. Nam fateri, eundem hæc bene
sancteque fecisse, & quidem, ut nos
illum imitaremur, fecisse; hæc, in-
quam, palam profiteri, & tamen ad-
huc virtuti solidæ ante reliquas natu-
rales prærogativas principatum nega-
re; quin & despectui eam, vel sal-
tem neglectui habere; id profectò in-
signis dementiæ & dementis malitiæ
indictum est.

Verùm ut de hac veritate amplius
convincamur, oculos in Calvariæ cli-
vum conjiciamus; & postquam ibi-
dem

dem illud mare dolorum , illos profusi sanguinis rivos , illam plagarum copiam ac atrocitatem meditatè contemplati sumus , in finem inquiramus , ob quem unigena DEI Filius tot inter vulnera & ignominias , tribus clavis suffixus , duos inter latrones in diu exspirare voluerit ? Ah ! respondet Apostolus , ad Titum scribens : *dedit semet ipsum pro nobis , ut mundaret sibi populum acceptabilem , sectatorem bonorum operum.* (eee) Ita est , reponunt amarè flentes angelī pacis : (fff) tam immania insons passus est , non ut homines divitiis , honoribus , commodis cumularet : non ut eos naturæ dotibus ditaret : non ut facundiæ fama , acuminis acie , doctrinæ eminentia ac mira habilitate exornaret ; sed ut genuinam probitatem , mundi contemptum , & ærumnarum amorem eis commendaret , imprimaret , & inculcaret : ut mortales vel unicum etiam minimum cœleste donum cunctis naturalibus ornamentis , unum in cumulum conjectis , nil hæsitando discerent anteferre .

B 3

Hic

(eee) Tit. 2. v. 12. & 14. (fff) Isa. 33. v. 7.

Hic ergo jam adeste, quicunque dicitis malum bonum, & dulce in amarum ponitis: (ggg) qui spuria vanitatum luce excæcati, ejusmodi sortis ac animi decora lunato poplite adoratis; hic, inquam, adeste, & hac crucis mensura veræ pietatis super terrena hæc excelsitatem metimini. Audite Divinum Servatorem infami è stipite penilem morienti voce nobis inclamatem: discite à me, non mundum fabricare, non cuncta visibilia & invisibilia creare, non in ipso mundo mirabilia facere, & mortuos suscitare; sed quoniam mitis sum, & humilis corde; (hhh) sed discite à me veram solidamque virtutem, quam ut vos docerem, tot cruciatus & injurias pertuli, sanguinem omnem vitamque profudi. en! exemplum dedi vobis, ut quemadmodum ego feci, ita & vos faciatis. (iii)

Ex his modò quid concludam, percipite. Ergo vel Christus ineptum egit mercatorem pro re, nostra opinione

(ggg) Isa. 5. v. 20. (hhh) August. Serm. 10.
de Verbis Domini. (iii) Joan. 13. v. 15.

nione, tam vili rem infinitè pretiosam, cruorem scilicet & animam, expendendo: vel perfectio omnino magnum, præstans, excellens, & reliquis rebus creatis eminenter sublimius bonum est. Ergo cùm mundus oppositum asserat, alterutrum decipi necessarium est. Ita est: aut Christum, aut mundum falli manifestum est. Christum hallucinari Divinitas vetat. Ergo mundum errare ratio dictat. Conclusio evidens est. Ergo vel stulti sumus, hoc Christi exemplum adorando: vel impii, huic contraria sentiendo. Age jam ô anima! ad crucis pedem hic stans delibera, hasque consecutiones, amoto glaucomate, prudens expende. Nam argumenti vis clara, vehemens, & efficax est. Aut huic quid oppones?

O mi JEsu! quid opponam? evidentia rei vel ab invito assensum extorquet. Errat enim vero, ah! errat, & toto cœlo aberrat hominum mendax de sanctitate judicium. Ah! nil magnum, nil altum, nil pretio dignum,

24 *Pars III. Cap. I. §. I. Num. II.*

num, nisi quod tale est apud DEUM.
Numinis *judicium*, tuumque *exemplum* gemina sunt fundamenta, quibus incomprehensa perfectionis sublimitas luculenter demonstratur. Credo proin, summam esse virtutis solidæ excellentiam, eamque omnia ingenii & fortunæ dona eminenti intervallo superare. Credo minimam illustrationem supernam profanas omnes scientias, unicum pietatis actum naturales cunctas dotes, tenuem gratiæ radium omnes orbis thesauros, infimum gloriæ gradum omnes mundi honores ingenti intercapedine vincere, transcendereque. Hæc, inquam, firmiter ac indubitate credo, quia Tu Ó Summa Veritas! id nobis divino admonitu manifestasti. Sed *adjuva incredulitatem meam!* (III) quām enim debilis ea vacillet, dum ejus praxis urget, ipius è cœlo cernis, ac tristis experientia nemini non palam facit. Ergo potenti dextera infirmo succurre, & da, ut adjungam fidei rectæ uitam rectam, tēque confitear & verbis

&

& factis : verbis quidem, vera dicendo ;
factis verò, sanctè vivendo. (mmm)

§. II.

*Hujus fidei cum vita nostra
enormis discrepancia est.*

I. **E**Quidem non adeò repugnanter credimus, quæ de virtutis excellentia sacræ Paginæ memorant. ^{Id patet ab indu-} ^{I.} ^{sione.} Æstimamus illius dignitatem , pulchritudinem admiramur , necessitatem extollimus , utilitatem commendamus , felicitatem demum & gloriam ardentibus votis exoptamus. Fatemur , perfectionem esse illud in Evangelio celebratum drachma deperditum , illud margariton pretiosum , illum thesaurum absconditum omni impenso labore & sumptu quærendum , emendum , effodiendum. Ultero concedimus , omnes reliquas naturæ prærogativas illi collatas , non secus ac stellas Soli compositas , nebulæ instar evanescere.

B 5

Quin

(mmm) August, Serm. 137. de tempore.